

ТОШКЕНТ ШАҲАР
МАҲАЛЛАЛАР
ИШИНИ
МУВОФИҚЛАШТИРИШ
КЕНГАШИНИНГ
РЎЗНОМАСИ
Ҳар ойда икки марта
чиқади.
«Тошкент оқшом»
нэври.

1992 йил 27 ФЕВРАЛЬ
№ 4 (64).

Маҳалладош

Тошкент шаҳар маҳаллалар кенгашида

ЯНГИ КУНГА ПЕШВОЗ

Тошкент шаҳар маҳаллалар ишени мувофиқлаштириш кенгашининг навбатдаги мажлисида «Тенг ҳуқуқли халқлар орасида тенг бўлишдек халқимизнинг асрий орзуси амалга ошган, мустақиллигимиз тобора мустаҳкамланаётган йилнинг биринчи Наврўзини тантанали ўтказишга пухта ҳозирлик кўриш тўғрисида»ги масала муҳокама этилди. Бу ҳақда шаҳар Ҳокимининг ўринбосари, ижтимоий сиёсат мажмуаси раҳбари Карим Расулов ахборот берди.

— Тарихда биринчи марта умумхалқ сайловида қонуний Президент ва шаҳар Ҳокими демократик йўл билан сайланган. Ўзбекистон Республикаси мустақиллиги тўғрисидаги референдум ўтказилган йилнинг биринчи Наврўзини шаҳримизда тантанали нишонлашга ҳозирлик кўриш юзасидан ҳокимлигимиз мажмуида ташкилий комитет ва унинг ишчи гуруҳлари тузилди. — деди нотик. — Улар амалий фаолият бошладилар. Район ҳокимликлари ва маҳалла комитетларида ҳам жойларда Наврўз шодиёнасини муваффақиятли ўтказиш учун ана шундай ташкилий комитет ҳамда унинг ишчи гуруҳларини тузиш ва зудлик билан амалий ишга киришиш керак.

Ўтган йилги Наврўз байрами шодиёналарига шаҳримиз бўйича 30 минг сўмга яқин маблағ сарфланган эди. Бу йилги нахр-навони ҳисобга олган шаҳар ҳокимлиги маъмурияти миллий Янги йил деб ном олган Наврўз тантаналарига 2,5 миллион сўм атрофида маблағ ажратилиши режалаштираётти. Ана шундан маҳалла комитетларига ҳалим, сумалак, нишолда каби миллий таомлар тайёрлаш учун зарур бўлган маҳсулотларни ҳарид қилишга, қадриятларни тиклашга маблағ ажратилди.

21 март куни Наврўз шодиёналари эрталаб буюк Бобомиз Алишер Навоий таваллудининг беш ярим асрлик тўйи муносабати билан барпо этилган Миллий боғимиздан бошланиши маълум. Тушга яқин тантаналар Халқлар дўстлиги саройи майдонига кўчирилади. Пешиндан кейин ва оқшомда мустақиллик майдонига давом этади. Мушакбозликлар, қизиқчилик ва миллий дорбозлик ўйинлари бўлади. Таниқли санъаткорларимиз

халққа ўзларининг энг сара кўшиқ ва куйларини тақдим этадилар. Ана шу режаларнинг юқори савияда, уюшқоқлик ва ҳамжиҳатлик билан ўтказилишига ҳар бир район ҳамда маҳаллаларнинг фуқаролари ўз ҳиссаларини кўшишлари зарур.

Кенгаш мажлисида Тошкент шаҳар халқ таълими Бош бошқармасининг бошлиғи Ҳамидулла Йўлдошевнинг «Миллий қадриятларимиз — маҳалла ва мактабларда тарбия ишларини олиб боришнинг муҳим омил» ва шаҳар маҳаллалар ишени мувофиқлаштириш кенгаши раиси Қодирхўжа Фозилхўжаевнинг «20 февралдан 20 мартгача маҳаллаларда ва умуман Тошкент шаҳрида бир ойлик ободонлаштириш ҳамда озодлик ойлигини ўтказиш ҳақида»ги маърузалари ҳам тинланди.

Кун тартибидagi долзарб масалалар юзасидан бўлган музокараларда Киров район «Қизил дехқон» маҳалла комитетининг раиси Нурмуҳаммад Абзалов, Октябрь район маҳаллалар ишени мувофиқлаштириш кенгашининг раиси Едгор Обидов, Собир Раҳимов район «Янги Тошкент» маҳалла комитетининг раиси Рашид Аҳмедов, Бектемир район маҳаллалар ишени мувофиқлаштириш кенгашининг раиси Яҳё Хайруллаев ва бошқалар қатнашдилар. Нотиқлар бу йилги Наврўз байрами рамазон ойига тўғри келаётганлиги мунсабати билан унинг тантаналарини маҳаллаларда асосан сахарлик ва ифторлик пайтларида ўтказиш, фуқароларнинг хоҳиш-иродасига биноан иш тутиш зарурати хусусида сўзладилар. Наврўз билан миллий қадриятлар ҳамоханлигини, бола тарбиясида оила, мактаб ва маҳалла ҳамкорлигини янада кучайтириш, бу борда маҳалла комитетлари ҳуқуқи ҳамда масъулиятини оширишни таъкидладилар.

Йиғилишда кўрилган масалалар юзасидан тегишли қарорлар қабул қилинди. Кенгаш мажлисида ташкилий масала ҳам кўрилди. Тошкент вилоят матбуот бошқармаси бошлиғи, Фрунзе район «Истиқлол» маҳалла комитетининг раиси Шавкат Миралимов шаҳар маҳаллалар ишени мувофиқлаштириш кенгаши раисининг муовини этиб сайланди.

Худойназар ГОЙИБОВ.

МАВЗЕЛАР ТАКОМИЛЛАШМОҚДА

Халқ депутатлари Чилонзор район Кенгашининг сессияси қарори билан райондаги 20 та мавзе маҳаллаларга айлантирилмоқда. Айни кунларда район маҳаллалар ишени мувофиқлаштириш кенгаши ходимлари — мавзе комитетлари ўрнига маҳалла комитетлари аъзолари ва раҳбарияти

сайловини ўтказяпти. Район ҳокимлик мажмуаси эса, янги-ланаётган маҳаллаларга ном қўйиш, думалоқ муҳр тайёрлаш, давлат банкида ўз ҳисобини очиб сингари ташкилий ишларни тўғрига етказмоқда.

Халил ГОФУРОВ.




«Мен ҳам бувимдек чевар бўламан». Ҳали мактаб партасида таҳсил олаётган Гулмира Қаландарованинг нияти ана шундай. У Акмал Икромов райондаги

116-мактабда билим олиш билан бирга бувиси Азиза аядан тикувчилик ҳунарини астойдил ўрганапти. Миртемир Қодиров сурати.

ҲАМРОЗИМИЗ БЎЛ, НАВРЎЗ!

Шу кунларда дийримизда ажиб бир шукӯх кезиб юрибди. Она табиат уйғонмоқда, боболар ва момолар чехрасида шукроналик. Меҳнат жамоаларида кўтаринки кайфият. Ўлкамизга Наврўзи олам қадим кўймоқда. Ушбу баҳор фаслида юртимиздаги тотуликни афзал кўрган турли халқлар, қалбларининг қатига энг муқаддас туйғуларини ардоқлаган жамии кишилар сенинг ташрифингни соғинган, эй покланиш ва ёшариш айёми!

Ҳурматли маҳалладошлар! Яқинлашаётган Наврўзи олам тантаналарини рўзнома саҳифаларида кенг ёритиш ниятидамиз. Ҳозир ҳеч шубҳасиз



пойтахтимиздаги барча маҳаллаларда байрамга қизгин тайёргарлик кўриляпти. Зеро, ҳашар ташкил этиш, кўча ва ариқларни тозалаш, уйларни таъмирлаш, мевали дарахтларнинг ниҳолларини ўтказиш каби юмушлар авжида. Наврўз муносабати билан Тошкент шаҳар маҳаллалар Кенгаши маҳаллалар ва пойтахтимизда ободонлаштириш ҳамда озодлик ойлигини ўтказишга қарор қилди. Ана шулар ҳамда айём арафасидаги тадбирлар ва уюштирилаётган тадбирлар ҳақида бизга маълум қиласизлар, деган умиддамиз.

«МАҲАЛЛАДОШ» тахрир хайъати.

Акс садо

ИҒВОГА УЧМАЙМИЗ!

Луначарский марказида жойлашган маҳалламиз аҳолиси ўзбеклар, руслар ва бошқа миллат вакилларида иборат. Лекин биз қайси миллатга мансублиги билан кўп ҳам қизиқиб ўтиравермаймиз. Энг аввало инсонийликни ўйлаймиз, аҳил-иноқликни мустаҳкамлаймиз. Қондалик ҳаётимизда бунга истаганча мисоллар топса бўлади.

Бинокор кўчасининг 48-уйида истиқомат қилувчи, ёлғиз яшаётган 84 ёшли Махфират ая Ҳайитова январнинг охири кунларида вафот этди. Кўшнлари рус, татар, арман миллатига мансуб кишилар эди. Улар 600 сўм пул йиғиб, аяни мусулмон удумида дафн этдилар. «8-март» номидаги боши берк кўчанинг хонадонларидан биринида яшовчи, иккинчи гуруҳ ногирони Ҳолида Орипованинг қизи яқинда оламдан ўтди. Бу йўқотиш сабабли боши берк кўчадаги 12 та хонадонда яшовчилар оёққа турдилар. Улар 500 сўм тўплашди. Унга 68 ёшли онахон Мухтабар Орипова 100 сўм, 82 ёшли Михаил Дедиков 30 сўм, 83 ёшли Николай Петрович Гараев 40 сўм, Игорь Мустафоев 50 сўм пул қўшдилар. Қўшнларнинг инсонийлигидан, иқтисодий кўмагидан Ҳолида опа кўзларига ёш олди. Қизини сўнгги йўлга кўзатган билан кўп миллатли кўшнларининг юрак тафти у

кишини ёлғизлатмаяпти. Маҳалламиз аҳли номига монанд иш тутишяпти.

Оғир кунларда турли миллат вакиллари бир-бирига ана шундай мададкор бўлиб яшаётган дийримиз, қолаверса маҳалламизга лой чапимоқчи бўлган иғвогарлар турли тухматларни ёғдирмоқдалар. «Комсомольская правда» рўзномасида, Россия оммавий ахборот воситаларидаги уйдирмалар биргина ўзбекларни эмас, барча миллат вакиллариининг ҳам ғазабини кўзғатмоқда.

Аввалгидек Ўзбекистонимизнинг бойлигини исталган миқдорда ололмаётган ҳасадгўйларнинг фитна-фасодлари қачонгача давом этади? Иғвогарликларнинг чеки борми? Уларни бундай нотўғри далил, уйдирмалар билан ким таъминлаб турибди? Ана шу ҳаққоний саволларга мустақил республикамиз фуқаролари ва маҳалламиз аҳли ишончли жавоб қайтарилишини истайдилар.

Биз бундай иғвогарга асло учмаймиз. Виждони пок барча кишиларни ҳам ўзгалар ногорасиге ўйнамасдан жипслигимизни, ҳамжиҳатлигимизни янада мустаҳкамлашга чақирамиз.

Жўра ТОШПУЛАТОВ,
Кўйбишев райондаги «Йитиқоқ—17» маҳалла комитетининг раиси.

ҲОФИЗЛАР ХУШНУД ЭТИШДИ

Кейинги пайтда «Чилонзор» маҳалласидаги отахонлар чойхонасида халқимиз буюк алломаларнинг ҳаёти ва ижоди...

расида амалга оширадиган ишлар ҳақида маслаҳатлашиб оламиз, — деди маҳалла комитети оқсоқоллар кенгаши...

сирларини ўргатишяпти. Бундан ўқувчилар ҳам, уларнинг ота-оналари ҳам хурсанд...

юз фоиз олишяпти. Менга бериладиган нафақа 185 сўми ташкил қиларди.

ҚАДАМИНГИЗГА ҲАСАНОТИ

Фозил ота падари бузрукворимнинг энг яқин қурлодош дўстларидан бири. У киши меҳр-оқибатли, инсоннинг қадр-қимматини осмон қадар баланд тутадилар.

Бизга мактублар

ХУНАРЛИНИНГ ҚҮЛИ ГУЛ

Бозор иқтисодиётига ўтган ҳозирги қийин бир шароитда фарзандларимизни турли хунарларга ўргатиш ҳар қачонгидан ҳам зарур, деб ўйлайман.

район раҳбарларидан ёрдам сўрадик. Аммо илтимосимиз инobatга олинмади. Хунарлининг қўли гул, дейишда донолар. Мутасадди идораларнинг раҳбарлари топиб айтилган бу нақлга эътибор беришларини истардим.

истардим. Яна бир масала. Менга ҳанузгача ижтимоий таъминот бўлимидан 2-гурух ногирони деган гувоҳнома берилмаган.



Чинор умрлилар

ИККИ АСР ГУВОҲИ


Октябрь районининг «1-Оқлон» маҳалласида бир юз ўн олти баҳорни қаршилайётган табарруқ онахон истиқомат қилишини эшитишим биланоқ, «оёқни қўлга олай» дедим-у, дафъатан ўйланиб қолдим: «Балки нотўғридир... Кавказда, бошқа тоғли—баҳаво ҳудудлардаги узоқ умр кўрувчилар ҳақида кўп бора эшитганмиз-у, аммо ўзимизда, айниқса, сершовқин пойтахтда...»

сам, шулардан икки қизим ва мана шу Сотволдимни катта қилдим. Қизим Раҳима ҳам неварачеваралик бўлиб, бандликни бажо келтирди. Улмақсоним тез-тез хабар олиб туради. Уч фарзанддан кўрган неварачевараларим элликми-ей, олтишми-ей балки ундан ҳам кўпдир, барака топишин, бири кириб, бири чиқиб, атрофимда доим парвона бўлишади.

Худойназар ЖУМАНАЗАРОВ. Сайдали Султонов сурати.

ЎЗ ТАРИХИМИЗНИ БИЛАМИЗМИ?

МОВАРАУННАҲР — дарёнинг нариги томонига жойлашган ерлар — Амударёнинг ўнг соҳилидан то Сирдарёнинг чап соҳилигача бўлган катта ҳудуд. Ўрта асрларда Ўрта Осиёнинг арабча тарихий номи. САРКОР — ишбоши — бирор муҳим ишни бажарувчи ёки унга бошчилик қилувчи киши.



Ўрта Осиё мусулмонлари диний бошқармаси томонидан чоп этирилётган диний китоблар Эеки шаҳарда жойлашган 1-дўконда ҳам савдо қилинаёти.

СУРАТДА: ширинсухан сотувчи Абдулло Умаров хизмат чоғида. Холмат Мирзакаримов сурати.

МАРҲАМАТ, СЎРАЙВЕРИНГ

Саломат ОДИЛОВА: Ўғил уйлантираётган эдик. Бўлғуси келик ЗАГСдан ўтаётганда қизлик фамилиямни ўзгартирмайман, деб туриб олдим. Шунда ўртада озгина келишмовчилик келиб чиқди. Айтнингч, қиз бола турмушга чиқётганда фамилия танлаш масаласи қандай ҳал қилинади!

Ҳуқуқшунос бурчаги

ёки уларнинг ҳар бири никоҳгача бўлган ўз фамилиясини сақлаб қолиши мумкин. Кейинчалик фамилияни ўзгартиршига фақат умумий асосларда, қонулда белгиланган ҳолларда йўл қўйилади. Агар никоҳни рўйхат қилиш вақтида никоҳга ўтувчилар ўзларининг никоҳга қадар бўлган фамилияларида қолган бўлсалар, кейинчалик эса улар эри ёки хотинининг фамилиясига ўтишни хоҳласалар қонунда белгиланганидек фақат фамилияни ўзгартирши тартибда ҳал қилинади. Никоҳга ўтувчиларга уларнинг фамилия танлаш ҳуқуқларини тушунтириб бериш никоҳни қайд қилувчи маъсабдор шахснинг мажбурияти бўлиб ҳисобланади.

Фозил ОТАХУЖАЕВ.

Янги рукн: «МАҲАЛЛАГА ҚАЙИШАЁТГАН РАҲБАРЛАР»

Кейинги пайтда маҳаллалар қайта жонланиб, катта ўзгаришлар рўй бераётгани кўп тилга олинмоқда. Шуниси эътиборга лойиқки, қайси жойда район ёки қорхона, ташкилот, идораларнинг раҳбарлари маҳаллага қайишаётган бўлса ўша ҳудудда ижтимоий муаммолар ўз вақтида ҳал қилинапти. Янги рукн ташкил этишимиздан асосий мақсад ҳам маҳаллага қайишаётган кишилар ҳақида ҳикоя қилиб боришдан иборатдир.

Биз бугунги суҳбатимизга Кабир ака Комилмовни бежиз тандамадик. У киши давлатшунос олим, Тошкент шаҳар Кенгашининг депутати, Киров район маҳаллалар ишлари мувофиқлаштириш кенгашининг раиси. Тошкент шаҳридаги маҳалла комитетлари Низомини тайёрлашда фаол иштирок этган. Кўриб турибсизки, маҳаллалар билан боғлиқ масалалар ҳамда район раҳбарининг комитетлар фаолиятини жонлатириш учун олиб бораётган ишларини яхши билади. Шуниси эътиборга олиб Кабир ака билан ўзининг кўп вақтини маҳалла ва мавзеларда ўтказиб, одамларга тамхўрликлар кўрсатаётган Киров район ҳокими фаолияти ҳақида суҳбатлашдик.

— Кабир ака, келинг гапни узоқдан бошламасдан асосий мақсадга ўтиб қўяқолайлик. Район ҳокими Рустам Калонов билан қачондан бери мулоқотдасиз?

— Ўн йилдан ошди, чамамда. Маҳаллалар ишлари мувофиқлаштириш кенгашига раис этиб сайланганимдан кейин у киши билан кўпроқ учрашиб, турли хил масалаларни ҳал этадиган бўлганман. Рустамжон узоқ йиллар райком аппаратида ишлади. 1988 йилда ижроком раиси сайланганидан бўлиб қолди. Халқ депутатлари район Кенгашининг сессиясида бу лавозимга муқобил асосида икки номзод қўйилди. Мен сўзга чиқиб, маҳалла фаоллари номидан Рустамжоннинг номзодини ҳам киритишни таклиф қилдим. Шундай қилиб у энг кўп овоз олиб, район ижроия комитетининг раиси этиб сайланди.

— Гапларингиздан маълум бўлдики, Рустам ака маҳаллалар ташаббуси билан раҳбарлик даражасига кўтарилган экан. Айтингчи, нега айнан у кишининг номзодини тавлағансизлар?

— Бунинг сабаблари кўп. Рустамжон районимиздаги Бодомзор маҳалласида яшайди. Ўзи шу ерлик бўлгани учунми ёки маҳаллалар ҳаётини яхши билганиданми бу масканларга доимо қайишади. Райкомда ташкилий-оммавий ишлар бўлимининг мудирин бўлиб ишлаётган пайтдаёқ одамларга танилиб қолган. У кўча тўйлари ўтказиш, сайиллар ташкил этиш, маҳаллаларни безатиш ва бошқа тадбирларга доим бош-қош бўлди. Хотира кунлари одамлар билан қабристонларни ободонлаштиришда иштирок этди. Доимо халқ орасида, уларнинг дардига шерик бўлаётгани тўғрисида кўпчиликда Рустамжонга нисбатан меҳр-муҳаббат уйғотди.

— Раҳбарлик услуби ҳам

садди ташкилотларнинг раҳбарларини қақриб муҳома қилгандан сўнг маиший хизмат шохобчаси тез кунда қурилиб, фойдаланишга топширилди. «Туркўрғон» маҳалласидаги чойхонани олиб кўрайлик. Унинг ўзи бир неча марта ишнинг тепасида туриб, шу ернинг ўзида планерка ўтказди. Қурилиш ашёлари таъминлигини назорат қилди. Ҳозир бу жойда отахонлар мазза қилиб чойхўрлик қилишяпти. Қисқаси, турар жойлардаги жуда кўплаб бунёдкорлик

ларга ёрдам тариқасида ҳозиргача 810 сўмлик кўрпача, чойшаб ва ёстиқ жилдлари тикиб берилди. Рустамжон тажриба тариқасида ташкил этилган кичик қорхонани зарур хом ашё билан таъминлашга катта эътибор берапти.

— Райондаги барча ишларни эндиликда ҳоким бошқараёпти. Бунга қандай қарайсиз?

— Ижобий. Сабаби, Ўзбекистон Республикаси маҳаллий бошқариш идораларида ҳоким лавозимининг

зеда ҳам ана шундай йиғин ташкил этмоқчимиз.

— Районда «Маҳалла» дастурининг бажарилишига алоҳида эътибор берилётганидан хабаримиз бор. Шу ҳақда ҳам тўхталсангиз.

— Аввало райондаги 26 та маҳаллада бажарилиши лозим бўлган барча ижтимоий вазифалар алоҳида қайд этилиб, мутасадди ташкилотлар ҳамда муддатлари аниқ кўрсатилган ҳолда ижроком томонидан тасдиқланганини алоҳида таъкидлашим зарур. Қилинадиган ишларнинг кўлами жуда катта. Болалар боғчаси, поликлиника, новвойхона, дўкон, маиший хизмат шохобчалари бунёд этиш, кўчаларни асфальтлаш, канализация қувурлари ўтказиш, ичимлик суви келтириш каби масалалар шулар жумласига киряди. «Маҳалла» дастури бўйича белгиланган режаларнинг талайгинаси бажарилди. Мен айримларига тўхталмоқчиман, ҳолос. Райондаги олтинта маҳаллада янги новвойхона қурилиб, аҳоли иссиқ нон билан таъминланди. Фирдавсий маҳалласида чойхона ва маданият маркази, «Қизил Деҳқон» маҳалласида маданий оқартув макмуни, «Янги-ариқ» маҳалласида замонавий саргарошхона ишга туширилди. Булардан ташқари 13 та маҳалладаги кўчаларга асфальт ётқизилди, 9 та маҳалладаги сув қувурлари янгиланди. Чойхоналарни таъмирлаб, зарур жиҳозлар билан безатишга район ошхоналар трестининг ўзи 8 миң сўмдан ортиқ маблағ ажратганини айтиб ўтишим зарур.

— Район ҳокими ҳақида ана нималарни айта оласиз?

— Рустам Калоновнинг хайрли ишларидан бири шуки, доимо ночор оилалар, нафақахўр ва боқувчисиз бўлмаган кишиларнинг ҳолидан хабар олади. Утган йили ҳар бир маҳалладаги 10 тадан оилага гилам, полос, чанг ютгич каби зарур жиҳозлар олиб беришга 70 миңдан ортиқ пул сарф этилди. Агар район бюджетидан маблағ ажратишнинг имкони топилмаса қайсибир жамиятлар билан келишиб, тақдирлаш йўллари излаб топилди. Хонадонларга болалар кийим-кечаклари, чой, ун каби озиқ-овқат маҳсулотлари ҳам берилаяпти. Булар албатта ёрдам тариқасида уюштирилади.

Ягона истагим, район ҳокими маҳаллаларга қайишаётган экан, мутасадди ташкилотларнинг раҳбарлари ҳам унга ўхшашларини истардим. Ўз навбатида биз, фаоллар ҳокимимизнинг районини ижтимоий-иқтисодий ривожлантиришга қаратилган барча ниятларини рўёбга чиқариши учун кўлимиздан келган ёрдамни аямай-миз.

ИШНИ МАҲАЛЛА АЙЛАНИШДАН БОШЛАЙДИ



маъқул бўлаётган бўлса керак.

— Албатта, Рустам Калонов менинг назаримда камсуқум, ақл-идрокли, ўз вазифасига масъулият билан қарайдиган, уздабурон раҳбарлардан. У ҳар кунги иш вақтини маҳалла ва турар жойларни айланишдан бошлайди. Қайси жойда муаммолар тўпланиб қолган бўлса эътиборга олиб, тегишли чоралар кўришга одатланган. Бундан ташқари уни кўпинча ҳали қорхонадан, ҳали савдо дўкони ёки поликлиникадан чиқиб келаётгани, бирор жойда кексалар билан суҳбатлашиб турганини кўришингиз мумкин. Кўпинча, «Туркўрғон», Уста Ширин, Жомий, «2-Кисловодск» ва бошқа маҳаллаларда учрашиб қоламиз. Дарҳол ҳол-аҳвол сўраб, маҳаллалардаги тангликлар ҳақида суриштиради. Кўп масалаларни идорада эмас, жойига бориб ҳал қилади.

— Мисоллар келтирсангиз.

— Марҳамат, Уста Ширин маҳалласидаги Киев кўчасида саргарошхона қурилиши бир неча ойлаб битмасдан, судралиб келди. Ҳали у йўқ, ҳали бу йўқ. Охири район ижроия комитети раисигача боришга мажбур бўлдик. Рустамжон шу масалани икки марта мута-

ишлари раҳбаримизнинг қуйди-шиқидилиги билан амалга оширилган.

— Сиз Рустам Калоновни замонавий раҳбар дея оласизми?

— Менимча, замонавий раҳбар ишбилармон, иқтисодийтни тўлиқ биладиган, сиёсий етуқ, шунингдек ўз вақтида қаттиққўл ва меҳмуруватли бўлмоғи керак. Бундай фазилатлар Рустамжонда бор. У аралашган иш тез ва унумли битади. Мутасадди ташкилотларга бирор топшириқ бердими, тепасига бориб бажартирмагунча қўймайди. «Қизил деҳқон» маҳалласида бир йил ичида болалар истироҳат боғи қурдириб берди. Полковник Хўжаев кўчасида унинг ташаббуси билан 20 миң болага тиббий хизмат кўрсатувчи поликлиника фойдаланишга топширилди. Жомий, Уста Ширин, Ғуломмаҳмуд Абдуллаев маҳаллаларида маданий марказларнинг лойиҳалари тайёрланапти. Мен ўзим раҳбарлик қилаётган «Янгиариқ» маҳалласида эса кичик қорхона очилди. Мазкур жамоа «Левентуль» ишлаб чиқариш бирлашмасининг буюртмаларини бажараяпти. Биринчидан, маҳалладаги кўплаб ёш боласи бор оналар ва кексалар иш билан таъминланган бўлса, бошқа томондан ночор оила-

жорий этилиши — давлат қурилишида истиқболли йўл, демократия принциплари тақомиллашувидаги янги босқич, десак ўринли бўлади. Бундай ўзгариш давлат ва жамиятнинг бошқаришда ажуждга келган расмиётчилик, ўтакетган бюрократия, оммаининг ташаббусига ров бўлиб қолган маҳаллий давлат идораларининг ижроия-бошқарув тузилмаларини бутунлай янгилаш ва мансабдорларнинг шахсий масъулияти жорий этилишига қаратилгани билан ҳам аҳамиятлидир. Район ҳокими Рустам Калонов янги вазифага жиддий киришиб кетди. Ҳозирги кунда унинг қабулида деярли одам бўлмади. Сабаби юзга келаётган муаммолар жойида ҳал қилинапти. У кишининг фикр-мулоҳазаларидан шуниси англадимки, жуда кўп масалаларни маҳалла комитетларига суянган ҳолда амалга ошириш ниятида. Уста-Ширин, «Гидростанция», «Янги-ариқ» маҳаллалари фаоллари билан ўтказилган йиғилишларда ҳокимлик ходимлари ва ташкилотларнинг раҳбарлари қатнашишди. Қилинадиган ишлар бўйича фикр алмашиб, барча режалар белгилаб олинди. Ҳадемай Юнусобод даҳасидаги «Ўзбекистон Республикаси мустақиллиги» маҳалласига бирлашган 15-ма-

Сухбатдош
Саъдулла ШОДИЕВ.

СУРАТДА: Киров райони ҳокими Рустам Калонов (ўртада) бир гуруҳ маҳалла фаоллари билан навбатдаги режалар хусусида маслаҳатлашмоқда.

Андрей Пешненко сурати.

ШУНДАЙ КИШИЛАР БОР БЎЛСИН

тирган эдим у: «Менга ҳеч ким ҳеч нарса бергани йўқ» деди елка қисиб.

Шу кунги ҳориб-чарчаб уйга қайтдим. Ҳамёнимга ачинайману, лекин ундаги ҳужжатларимнинг йўқлигини ўйлаб диққат бўламан. Агар топилмаса уларни тўғрилаш учун озмунча елиб-югуриш керак бўлади.

Оилам, болаларим тасал-

ли беришса-да, юрагим туздек ачишиб чиқди кечаси билан. Эрталаб эшик қўнғироғи жириглаб қолди. Бори очсам бўсағада ўрта яшар киши турибди.

— Мирдадаевлар оиласи ну ерда яшайдими? — сўради у жилмайиб.

«Ҳа» ишорасини билдирдим.

— Отингиз Сайёра бўлса керак?

— Худди шундай. Айтинг нима гап, — дейман хаприкиб.

— Кеча автобусда ҳамёнингни унутиб қолдирган экансиз. Топиб олдям. Тагин биронта ҳаром қўлга тушиб қолмасдан деб ҳеч нимга билдирмай қўя қолдим. Яхшиямки, ичида паспортин-

гиз бор экан. Ўша орқали уйингизни топиб келдим. Мана пулларингизни санаб олишингиз мумкин.

Туполонда «Вой, раҳмат сизга», дея топилгани олибману, ўша олийҳиммат кишининг кимлигини сўраб олишни унутибман. Бутун оиламиз номидан унга самимий истакларимизни билдираман. Дунёда шундай кишилар доим бор бўлсин.

Сайёра МИРДАДАЕВА.

Шанба кун керакли нарсаларни харид қилиш мақсадида «Эски Жўва» бозорига бордим. Автобусдан тушаётим ҳамён солинган халтачамни унутиб қолдирибман. Бозор ичкарасига кириб борганимдагина унинг йўқлигини билиб қолдим. Дарҳол орқамга югурдим. Афсуски, мен келган автобус кетиб қолибди. Қайтишини қутдим. Орадан уч соат ўтиб, автобус етиб келди. Ҳайдовчининг олдига бориб бўлган воқеани тушу-

